

radioelektran energion de unu cirkvito en alian per alproksimigo de tiuj cirkvitoj aŭ de ilia interkonekto. Kp KOMUTI, KONNEKTI, KONTAKTI, KUN(IGI), (KUN)LIGI, MONTI. ~**(ad)o**. Ago ~i k la rezulto de tiu ago : *artika, elasta, fiksita, movebla ~o; bendo~, broso~, ktp. ~ilo*. Aparato por ~i.

* **Kupolo**. Duonsfera konstruo en formo de renversita kaliko, konsistiganta la supran parton de monumento.

Kupono. 1 Bileto, detranĉita de akcio aŭ obligacio, rajtiganta la havanton ricevi difinitan procenton ĉe iu bankiero. 2 Bileto, detranĉita de registro, rajtiganta la havanton okupi lokon en teatro ktp.

* **Kupro**. 1 (Cu) Bruneruga peza metalo, pli fandebla ol oro k malpli ol arĝento, uzata precipe por elektraj kondukiloj, k en kunfandaĵoj kun stano (= bronzo) k kun zinko (= latuno) : *orita ~o; ~a koloro de haŭto*. 2 (Bb) Bronzo. ~i (tr). Garni per tavolo da ~o. ~isto. Kal-dronisto.

kupulo ☞. Malgranda folieca aŭ skvameca kaliko, kiu formas la bazon de kelkaj fruktoj.

* **Kuri** (ntr). 1 (iu) Iri per movoj pli rapidaj ol marŝo : ~i kiel *venenita muso* Z (rapide k ĉien); *ŝi tuj ~is bati ŝin* Z; ~i post iu, al iu; *la muso ~is sub la lilon* Z; (f) ~i en *danĝeron* B. Kp GALOPI. 2 (io) Rapide moviĝi de iu loko al alia : *la sunaj radioj venke ~is tra la spaco*; *nubo ~as en la ĉielo*; *ŝtupoj, sur kies ŝelo ~as pala flameto* B; *mono ~as al mono* Z; *tremoj ~is sur mia dorso* B; (f) *la dormo ~is for de miaj okuloj* Z; (f) *sciigo ~is tra la urbo*; *larvoj el~is al li sur la vangoj* Z. 3 (io) Daŭri, iri sen-interrompe : *akvo ~a (~anta), akvo pura* Z; *la vojo ~as sur varmaj valoj* B; *ruĝa jaden ~as tra la ŝtofo*; *en la ~anta (nuna) monato, jaro*; *la procentoj ~as jam de unu jaro*; ~anta konto (por ne limigita tempo); *deŝirita de la ~a (ordinara, kutima) sorto de mia domo* Z; ~o. Ago ~i : *al la malamik' en ~o faru ponton kun plezuro* Z; *lasi liberan ~on al sia fantazio* Z. ~gli. Igi iun aŭ ion ~i : *li ~igis ĉiujn siajn servistojn por plenumi plej malgrandan deziron*; ~igi malbonan famon pri iu Z. **For~i** (ntr). ~i for de iu

aŭ io por lin aŭ ĝin eviti : *li for~is de sia kreditoro, tuj kiam li ekvidis lin*; *for~i el malliberejo* B; (f) : *la mallumo for~is* B (ĉesis, finiĝis); *la dormo for~is de miaj okuloj* Z; *la tro rapida for~o de la tempo*; *sono teruras, sono for~as* Z (Kp FUĜI). **Post~, ĉas~i** (tr). Persekuti ~ante : *post~i ŝteliston* Z; *ĉas~i leporon*. **Tra~i** (tr). Trairi ~ante : *tra~i kampon*; *li tra~is per la okuloj la unuan paĝon* Z; *du ekbriloj de fulmo tra~is tra la malluma ĉielo* Z; (f) *tiu penso tra~is mian animon kiel fulmo*; *famo tra~as la urbon*; *ondo da entuziasmo tra~is ĉies korojn* (Kp IRI, FLUI, FLUGI). **Trans~i** (tr). Trairi rapide k poste forlasi : *rideto trans~is liajn lipojn*; *ni trans~u al alia temo*. ~**ĉaso**. Ĉaso en kiu oni mortpersekutas beston. **Vet~(ad)o**. ~o inter sportaj konkurantoj.

* **Kuraci** (tr). Prizorgi malsanulon k fari ĉion necesan por lin resanigi : *oni ne ~as sole per medikamentoj* B; *li ~is sin de siaj vundoj* Z; *unu vundo alian ~as* Z; (f) *ŝuldon tempo ne ~as* Z; *via ~ato estas mia konato* Z; *ne~ebla kriplajo, malsanulo*. ~**ado**. Rimedoj uzataj de ~isto por resanigi malsanulon : *severa ~ado*; ~ado per akvoj mineralaj. Kp DIETO. ~**ilo**. Ĉio, kion ~isto uzas por resanigi malsanulon. Kp MEDIKAMENTO. ~**isto** Z. Medicinisto.

* **Kuraĝa**. Ne perdanta la trankvilon; ne timanta antaŭ danĝero, malhelpo aŭ malfacilaĵo : ~a maristo, konduto; ~a mieno antaŭ propra kameno Z; ~e batali Z; *vi povas ~e skribi al li kun la certeco, ke li vin komprenos* Z; *kiu ~e aliras, facile akiras* Z; *post la fino de la batalo estas multe da ~uloj* Z. Kp BRAVA, MALTIMA, HEROA, NOBLA. **Rim.** : **Kuraĝa** ago estas pripensita de la intelekto k decidita de la volo; **maltima** aŭ **aŭdaca** ago estas nepripensita efiko de la memfidemo de individua temperamento. **Kuraĝo** estas virto k laŭdinda kvalito; **maltimo** aŭ **aŭdaco** povas esti troa aŭ mallaŭdinda eco. ~**o**. Firmeco de la koro antaŭ danĝero aŭ baro; sentimeco : *doni ~on al iu* Z; *perdi la ~on* Z; *havi la ~on por fari ion* Z; *lia malsukceso tute sen~igis lin*. ~i (tr). Havi la ~on : *li ~is eldiri sian opinion meze de la kontraŭuloj*; *kiu ~as rajdi sur leono* Z ?